


9

# EPISTOLA PASTORALIS

AD

CLERUM ET POPULUM

DIOECESIS AESTUAR



ROMAE

TYPIS JOSEPHI SALVIUCCI

1854



FRANCISCUS S. R. E. PRESBYTER

**CARDINALIS TIBERI**

DEI ET APOSTOLICAE SEDIS GRATIA

**EPISCOPUS AESINUS**

NOBILIS PATRITIUS REATINUS EQVES HIEROSOLIMITANUS

ET MAGNAE CRUCIS REGII PRAECLARIQUE

ORDINIS CAROLI III. EC. EC. EC.



COLLEGIO CANONICORUM, PAROCHIS, PRESBYTERIS, RELIGIOSIS VIRIS,  
VIRGINIBUS SACRIS, MAGISTRATIBUS, OPTIMATIBUS, ET POPULO  
UNIVERSO AESINAE CIVITATIS, ET DIAECESIS.

**SALUTEM IN DOMINO**

Postquam, Venerabiles Fratres, Filii-  
que in Christo carissimi, placuerat Sanctissimae  
Memoriae Pontifici Leoni XII, cujus volunta-  
tem summo cum obsequio venerari par erat,  
ut quamvis forensibus, ac Sacrae Poenitentiae  
negociis diu fatigati, ac quiescere ex-  
optantes, longinquas amplissimi Regni Hispa-  
niarum regiones ad Munus Apostolici Legati  
obeundum peteremus; legatione deinde fun-  
ctis, ac Patres inter Cardinales adlectis Sa-

cratissimus Pontifex GREGORIUS XVI ( quem Christianae Reipublicae bono Deus Optimus Maximus diu servet incolumem ) illustris Ecclesiae Aesinae gubernacula Nobis nec opinantibus committere dignatus est. Onus nedum tenuitati nostrae, sed Angelicis quoque humeris formidandum ne deprecaremur, in causa primum fuit *Obedientia*, quam ab ineunte aetate professi sumus erga *Christi Vicarium*, haud ignari, quod obedientia omnia sustinet, omnia vincit, quod etiam longo in itinere fessum non mediocriter levat, hominique bonae voluntatis animos addit, ac virtutes caeteras menti inserit ( ut inquit S. Gregorius (\*) ) insertasque custodit; deinde in caussa quoque fuit nostra erga inclitam Picenorum gentem antiqua dilectio ac studium

Multa namque animi jucunditate temporis illius recordamur, quum Maceratensi, Lauretanae, Camertium Provinciae cum imperio praeeramus. Quanta in Populis Religio! quam mite ingenium! quae erga Sanctam Sedem

(\*) Lib. 35. Moral.

mira fidelitas ac devotio! quanta in Nos Delegati Apostolici Munere fungentes observantia! Quae animadvertentes, minime dubitamus, quin Aesina Civitas inter Picenae insignis, Patriciis Familiis referta, viris pietate, doctrina spectatissimis praedita, alias Urbes Religionis, ac caeterarum Virtutum amore exaequans voci Pastoris sui amantissimi grato animo sit obtemperatura. Hac fiducia freti veniemus ad Vos, uti Pater inter Filios, et quae Nostri Muneris erunt, Deo adjuvante, religiose complere curabimus.

Qua in re non parum Nobis adjumenti pollicemur, tum a Nobili Canonorum Collegio Nostrae Ecclesiae Principis, quorum praestantissimi mores, gravitas, modestia exemplar normamque caeteris praebent; tum a Parochis spectatissimis, quos Christifidelibus singulari pietatis ardore, scientia prudentiaque praesto esse perlibenter audivimus. Fiduciam quoque collocantes in reliquis Sacerdotibus, ac Ministris Altaris, qui saecularibus negociis, curisque posthabitis, Dei gloriam promoveant; atque in Seminarii Alumnis, aliis

que Clericis Adolescentibus, qui optimis imbuti moribus doctrinisque eruditi in spem Ecclesiae crescunt. Tandem Nobis suppetias laturos confidimus fervore Precum religiosos Viros, qui saniori consilio spretis seculi illecebris solemnia vota nuncuparunt, atque in Claustris sanctissime vivunt; sacrasque Virgines, quae fide Agnum sequuntur, quocumque ierit.

Neque vero dubitamus, quin Vos quoque pro virili parte conatibus nostris sitis obsequuturi, Magistratus amplissimi, qui res publicas, non sine laude, temporibus asperis, procuratis; quique praeclarum pietatis specimen prae buistis, dum summo studio curastis, ne Praesuli splendidiore Aedes deessent dignitati, decori non impares. Quamvis vero de Nobis demississime sentiamus, et pauca ad vitam tollerandam necessaria esse arbitremur; tamen Ecclesiastici Principis Personam (quin Patrimonio Pauperum id sit detrimento) non indecore sustinebimus; ac vestrae generositati benevolentiaeque minime obsistemus. Neque Vos hortatione egere existimamus, eximii Opti-

mates, ut natos in Religionis, Patriaeque utilitatem, ac splendorem alere conemini; vestroque exemplo atque auctoritate caeterorum Civium animos ad virtutem omnem inflammetis.

Ad Vos autem dilectissimi Filii universi sermonem convertentes, enixe rogamus, ut sanctissimum Religionis thesaurum a Majoribus vestris acceptum impense custodiat, ut mutua vos caritate invicem prosequamini, ut justitiam, bonam fidem in negociis peragendis, morum simplicitatem, frugalitatem, caeterasque virtutes, quae Christianos homines decent praestetis, nec sub boni specie deceptum iri patiamini.

Sed ut Deus Omnipotens haec Pastoris Vestri desideria exaudiat, enixis precibus invocanda est Sanctissima ejus Genitrix in Coelum recepta, cujus patrocinio gloriamur, atque unice nitimur; *qua protegente*, ut inquit Divus Bernardus, *minime corruemus*. Auxilium praeterea implorandum a Coelicolis omnibus ac praesertim a Divo Septimio, a Sancto Martyre Floriano, ne Ecclesiam hanc tueri desinant, atque ut boni aliquid efficere valeamus.

Habetis Episcopum quasi laboribus fractum, valetudinis, ac visus incommodis non omnino expertem. Vobis autem apud ipsum facilis erit accessus; mitem semper invenietis; in corrigendis culpis, quae ex fragilitate dimanant, gemitum columbae audietis; singulis quae sua sunt servabit; Ecclesiae jura ac privilegia presummare nullo modo sinet; incredulitati (quam pestem exitiosissimam a Christiano Populo Dei misericordia averruncet) costanter obsistet; a pascuis venenosis Gregem suum avertere conabitur.

Quibus in rebus illi stimulos adjiciet recordatio praeclarissimorum Virorum, qui in hac regenda Ecclesia eum praecesserunt: quos inter suspiciet eximium Cardinalem Burgesium ad Pontificatus apicem deinde evectum, atque Eminentissimum Cesarei in celeberrimo Sacrae Rotae Auditorio olim Collegam; cujus Antistitis justitiae ac mansuetudinis laude numquam satis commendandi interitum merito lugetis.

Sed quum facta, et non verba Vos omnes a Nobis jure expectetis, orationem concludi-



mus: atque interea (dum ad Vos venire ave-  
mus, ut ea, quae animo praeconcepimus, Deo  
favente, praestare possimus) Pastoralem Be-  
nedictionem peramanter impertimur.

Data Matriti VI. Idus Martias A. MDCCCXXXIV.

**IMPRIMATUR**

**Fr. A. Vincentius Modena Or. Pr. S. P. A. M. S.**

**IMPRIMATUR**

**A. Piatti Archiepisc. Trapez.  
Vicesg.**

